

本

事

詩

本事詩後集目錄

卷七

錢謙益

林雲鳳

附會稽女子

杜濬

王崇簡

熊文舉

宋徵輿

朱隗

王猷定

許宸

楊思聖

曹胤昌

徐波

黃周星

李元鼎

冒襄

閻爾梅

周永年

李以篤

史玄

沈自然

徐白

萬壽祺

周肇

曾畹

本事詩卷七

後集

吳江徐 鈞電發編輯

邵武徐 榦小勿校刊

錢謙益

受之牧齋又號蒙叟自稱東澗遺老常熟人

牧齋晚年卜築紅豆山莊與河東君吟咏其內茗椀薰爐繡牀禪板髣髴蘇子之遇朝雲也嘗有句云青袍便擬休官好紅粉還能入道無筵散酒醒成一笑髣髴絲禪榻正疎蕪可想見蒙叟心情矣

長干行

萬歷己酉十月偕計吏過臨清新安何周無黨

邀谷范兩名姬置酒勝流歛集燕賞淋漓樂美

人之目成惜雲英之未嫁醉後作長干行題于
北里谷氏之壁閒明日同席者傳寫其橐名士
胡脢嘉沈守正胡潛皆屬和焉

長干女兒爭妖嬈秦淮一曲水亦嬌複道迴廊映佳麗六
朝楊柳秦時潮美人如花活花裏嬌憨那復知作使臨妝
懶學文君睂當筵解劈薛濤紙馬家楊家最有名但看一
笑俱傾城按拍何人嫌曲誤留歡若個便妝成江南是處
矜花草渡江但說臨清好燕趙佳人真擅場摧殘苦向風
塵老賈胡多錢儋父臭秦箏吳歛等閒奏小范空餘林下

風谷生枉自闌房秀拂袖低徊策蹇歸黥奴草具唱歌時
陌頭白汗薰香粉馬上黃沙與畫眉目成不珍惜歌舞願
影那堪淚如雨江南小草花不如江北名花暗如土人生
遇合總悠悠此夕相看黯欲愁眼底娉婷俱未嫁忍看溝
入東西流劒花崢嶸眉黛濕玉釵欲掛銀缸泣促席行杯
露未晞歌罷長干盡於邑君不見馬家池館傾摧久長橋
已拆祠郎手江南樂事亦易闌經過且盡杯中酒

新嘉驛壁和袁小修題會稽女子詩

紅粉誰人省識真試臨青鏡已傷神還愁著眼難分別取

次先過妬婦津

零落風光哀怨人銀鉤玉筯一時新可憐和墨千行淚也
作郵亭十丈塵

五湖煙水興茫然塵劫何因問宿緣他日海天尋伴侶洞
天深處劈瑤牋

附 會稽女子題壁詩 蘭陔集曰會稽女子名李秀

充東新嘉驛壁間有題字云余生長會稽幼攻
書史年方及笄適于燕客嗟林下之風致事腹
負之將軍加以河東獅子日吼數聲今早薄言
往訴逢彼之怒鞭箠亂下辱等奴婢余氣溢填
胸幾不能起嗟乎余籠中人耳死何足惜但恐
委身草莽湮沒無聞故忍死須臾候同類睡熟

竊至後亭以淚和墨題詩於壁
庶知音讀之悲余生之北辰也

銀紅衫子半蒙塵一盞殘燈伴此身
恰似梨花經雨後
可憐零落舊時春

終日如同虎豹遊含情默坐恨悠悠
老天生妾非無意
留與風流作話頭

萬種憂愁訴與誰對人強笑背人悲
此詩莫把尋常看
一句詩成千淚垂

湖廣女士畹蘭有悼會稽女子二絕云驛舍題詩今
尙存斷煙荒草鎖重門多情況有千秋月
夜夜牆頭照墨痕碎壁沈珠最可憐
牆頭題恨墨猶鮮
妖魂欲問歸何處不化鴛鴦化杜鵑
按畹蘭未詳詩見名媛

詩緯

秦淮水亭逢舊較書

水亭在青溪筵步間蒙叟題詩其上有夾岸麴塵三月柳

疏窗金粉六朝人句舊校書女道士淨華也

不裏宮裝不女冠相逢只作道人看
水亭十月秦淮上作意西風打面寒

妝閣書樓失絳雲香燈繡佛對斜曛
臨風一語憑相寄紅豆花前每憶君

砧罷歌闌抱影眠冰牀雪被舊因緣
如今老大翻惆悵重對殘燈說往年

金字經殘香母微啄鈴紅嘴語依稀新裁道服蓮花樣也
似雕籠舊雪衣

徐孃歌

常熟徐于本貴公子好遊曲中歌妓王桂雅有
風情許嫁于于家貧不果髮桂乃歸嘉禾富人
子悵悵不得志且死召于與訣別于歲挂紙錢
墓下故牧齋寄于詩有柳絲不斷西陵夢挂紙
知君到秀州之句久之于復與妓徐三善三亦
許嫁于于盡其貲力爲庀衣妝鏡奩歸有日矣
于臥病三忽遺蒼頭持書至于喜發視之則片
紙訣絕三已盡竊其貲夜奔武弁矣于掩其紙
置席下轉面背牀遂不
食而死牧齋爲作此詩

徐孃二十絕代無當場一曲千明珠小妹鳳生恰二七輕

妝薄悅雙雙出肩摩擔壓篙櫓橫半塘水沸山隄平清歌
緩舞廣場寂千人石上無人聲風流徐郎字夢雨一見魂
銷足不舉油壁青驄竝載歸連枝共命交相許多情多病
轉堪憐最是清明寒食天楊柳風前行藥坐海棠樹下對
花眠相送卻回凡幾度暗別偷啼更無數珍重丁寧囑歌
扇護惜頻煩寄窮袴離筵我賦送春詩更與新翻柳絮詞
津逮軒中低唱夜初平石下踏歌時徐郎笑噓還相向在
旁唯爾曾知狀長將皎日留誓盟縱及黃泉肯相忘豈知
人世不相於共命拋離連理虛三秋司馬纏綿病一紙蕭

嬖諛絕書小樓窗前齊女墓婁江卽是天河路空餘白骨
裏秋衾拌爲紅顏卽朝露淒涼此事十餘春取次沈吟淚
滿巾白楊荒草知何處況復嬌花殢酒人燕山糧艘高于
屋鶯梢燕乳樓船腹將軍組練白差差小婦榴裙紅簇簇
五日蒲榴正舉杯有人玉帳寄聲來因知河上浚波女曾
向江頭行雨回殷勤慰問南冠客鬢髮新添幾莖白聊搏
角黍祝團圓更炙王餘勉餐食白頭殘客重咨嗟舊雨新
愁恨似麻已分歌殘吾谷樹更堪哭損馬塍花十年一夢
如風昔往事如風豈堪摘小鳳公然作阿婆夢雨荒菴更

更第宅我囚君家不爭多
瑁璫心情可奈何
禁城暮雨蕭蕭夕
還想吳孃一曲歌

牧齋嘗爲于作柳絮詞贈妓云白于花色軟于綿不
是東風不放顛郎似春泥儂似絮任他吹著也相連
卽歌中所謂新翻柳絮詞也

戲贈陸姬孟珠

陳其年婦人集曰陸姬孟珠或曰
嚳城大家女也曾爲侯門寵伎侯

贈陸姬孟珠陳其年婦人集曰陸姬孟珠或曰
裁於法姬邑邑不得志流落江海間悽然擁髻
有東京夢華想製詩一卷自名紅衲道人按
孟珠名燕燕又字綠珠蘇州人其次韻答牧齋
二絕句云十五吹簫暈粉腮舞衫一半已蒙灰
聞郎欄醉燕支館可踏青青塚上來名園莫訝
墜樓稀鸚鵡無情恨是非爲問永豐坊畔柳雕
簷春色傍誰飛

辭漢金人淚滿腮西園東閣已成灰莫欺鳥爪麻姑老曾
見滄桑前度來

剩水殘山花信稀瑣窗鸚鵡舊籠非儂家十二珠簾外可
有尋常燕子飛

茸城詩

納河東君時作婦人集曰錢尚書納河東

韻詩

以贈柳中有云河東論氏族天上問星躔

漢殿

三眠貴吳宮萬縷連瑤光朝孕碧玉氣夜

生立

又云纖腰宜蹴鞠弱骨稱鞦韆天爲投壺

笑人

從爭博癲又云凝眸嗔亦好溶漾坐生憐

薄病

如中酒輕寒未折綿清愁長約畧微笑與

遷延

君之風神才藝概可知矣按河東君名

柳是

字如是又號河東松江人工詩善書輕財

好俠

有烈丈夫風牧齋自茸城新納河東君賦

詩志喜和者甚衆嘉興沈德符景倩云何來鳥
爪蔡經家狡獪人閒歲未賒唾受紺來頻展袖
淚凝紅處恰登車迴文詩就重題錦無線衣成
自剪霞贈內偶佔相謔句始憐芍藥異凡花常
熟馮班定遠云一朵名花色最深章臺長帶漫
垂陰紅葉直下方連藕絳蠟纒燒已見心祇取
鴟雛爲鬢樣閒調鳳語作笙音琉
璃鴛瓦香泥地嬌屋重樓費幾金

五茸媒雉卽鴛鴦樺燭金爐一水香自有青天如碧海更
教銀漢作紅牆當風弱柳臨妝鏡菴水新荷照畫堂從此
雙棲惟海燕再無消息報王昌

朱鳥光連河漢深鵲橋先爲駕秋陰銀缸照壁還雙影絳
蠟澆花總一心地久天長頻致語鸞歌鳳舞竝知音人閒

若問章臺事，鈿合分明抵萬金。

金陵雜題

淡粉輕煙佳麗名，開天營建記都城。而今也入煙花錄，燈火樊樓似汴京。

一夜紅牋許定情，十年南部早知名。舊時小院湘簾下，猶

記鸚哥喚客聲。

舊院馬三字鼉采

別樣風懷另酒腸，拌他薄倖耐他狂。天公要斷煙花種，醉殺瓜州蕭伯梁。

叢殘紅粉念君恩，女俠誰知寇白門。黃土蓋棺心未死，香

丸一縷是芳魂

寇白門故保國朱公姬也

頓老琵琶舊典刑檀槽生澀響丁零南巡法曲誰人問頭

白周郎掩淚聽

紹興周錫圭字禹錫好聽南院頓老琵琶常對人曰此戚武南巡所遺法曲也

舊曲新詩壓教坊縷衣垂白感湖湘閒開閨集教孫女身

是前朝鄭妥孃

鄭如英小名妥孃秦淮四美人之一詩載列朝詩閨集中今年七十二矣

左寧南畫像歌爲柳敬亭作

何人踞坐戎帳中寧南徹侯崑山公手指抨彈出師象鼻
息吸呼成虎熊帳前接席柳麻子海內說書妙無比長揖
能令漢祖驚搖頭不道楚相死是時寧南大出師江湘干

里連軍麾每當按甲休兵日更值椎牛饗士時夜營不誼
角聲止高座張燈拂筵几吹唇芒角生燭花掉舌波瀾拂
江水寧南聞之鬚蜩張欬飛檣馬俱騰驤誓剌心肝奉天
子拚灑毫毛布戰場秦灰燒殘漢幟靡嗚呼寧南長已矣
時來將帥長頭角運去英雄喪首尾倚天劒死親身匣垂
斃猶興晉陽甲數升赤血噴餘皇萬斛青蠅掩牆翳白衣
殘客哭江天畫像提攜訴九泉舌端有鍰腸堪斷泣下無
珠血可憐柳生柳生吾語爾欲報恩門仗牙齒憑將玉帳
三年事編作金陀一家史此時笑噓比傳奇他日應同汗

竹垂從來百戰青
燐血不博三條紅
燭詞千載沈埋國史
傳院本彈詞萬人羨
盲翁負鼓趙家莊
寧南重爲開生面

贈別王郎

辛卯春盡歌者王郎北遊
戲題絕句以當折柳
贈別之外襍有託寄談諧
無端謔謎閒出覽者
可以一笑也

紅旗曳掣倚青霄
鄴水繁花未寂寥
如意館中春萬樹
一時齊讓鄭櫻桃

閣道雕梁雙燕棲
小紅花發御溝西
太常莫倚清齋禁
一

曲看他醉似泥

王郎云此行將倚龔太常

憑將紅淚裏相思多恐冬哥沒見期相見只煩傳一語江

南五度落花時

按冬哥武安侯故妓也牧齋丙戌南還有留別冬哥詩云虹氣橫天易水波卷衣宮女淚痕多吹簾牕有侯家妓記得邯鄲一曲歌又云師師垂老杜秋哀暫別長離盡此杯惆悵落花時候去江南花發遲君來遲字

去聲

春風作惡棟花飛清醪盈觴照別衣我欲覆巾施梵咒要他才去便思歸

左右風懷老旋輕捉花留絮漫多情白頭歌叟今禪老繡

本事詩

後集

卷七

九邵武徐氏刊

佛燈前詛汝行

雲間
徐叟

多情莫學野鴛鴦
玉勒金丸傍苑牆
十五妖姬燕趙女
何人不願嫁王昌

可是湖湘流落身
一聲紅豆也沾巾
休將天寶淒涼曲
唱與長安筵上人

江南才子杜秋詩
垂老心情故國思
金縷歌殘休悵恨
銅人淚下已多時

林雲鳳

若撫長
洲人

鞋盃行

余薄遊秦淮偶與一二勝友過朱較書櫻蜜館
酒閒出雙錦鞋貯杯以進曰此所謂鞋盃也自
楊鐵史而後再見于何孔目元朗才情正堪鼎
足兩公余聞之喜甚不意風塵中人博綜雅謔
有如此者遂以筆蘸酒爲賦鞋杯行云

君不見楊廉夫狂吟豪飲天下無又不見何元朗風流文
采猶堪想鞋盃之事久寂寥誰能狎作煙花長秦淮豔女
字無瑕爲余笑脫乾紅鞵酒閒突出華筵上短窄織新纔
一綳平生每恨舊裙低今日分明見弓樣細絢碧纔香塵

生鳳頭鸞尾花盈盈玉壺瀉處偏宜滿翠袖籠來不奈輕
杯行到手翻成哂兩頰紅蓮初著粉暮雨朝雲釀已深春
風秋月斟應盡何須更築糟丘臺尊中自有葡萄醅何須
更學邯鄲步尊前便是巫山路一掬雙鸞嬌自持千巡百
罰醉休辭絕勝飛蓋西園夜不羨凌波南浦時人生快意
在行樂且向青樓買歡譖寶劍徒令老仲升金門未必容
方朔醉鄉恰喜傍溫柔莫問城頭夕陽落

朱較書字無瑕所著有繡佛齋集 楊鐵史廉夫游
杭妓以鞋盃行酒廉夫命瞿宗吉詠之宗吉席上作
沁園春一闕廉夫大喜卽令侍妓歌以侑觴因袖其
藁而去詞云一掬嬌春弓樣新裁蓮步未移笑書生

量窄愛渠儘小主人情重酌我休遲醞釀朝雲斟量
暮雨能使麴生風味奇何須去向花塋留跡月地偷
期風流到手偏宜便豪吸雄吞不用辭任陵波南浦
誰誇羅襪賞花上苑祇勸金卮羅帕高擎銀瓶低注
絕勝翠裙深掩時華筵散奈此心先醉此恨誰知
何孔目元朗至關門攜榼夜集元朗袖中帶王賽玉
鞋一隻醉中出以行酒蓋王足甚小禮部諸公亦嘗
以金蓮爲戲王鳳洲樂甚次日卽以扇書長歌云手
持此物行客酒欲客齒頰生蓮花
元朗擊節嘆賞一時傳爲佳話

虎丘宴集觀女郎蹴鞠行

雲巖寺前花滿天峰巒面水浮漪漣主人宴客晝泊船笙
歌羹臠羅長筵半酣攜酒言迷禪修途蜿蜒齊攀緣正逢
姦女下虹輶錦衣玉貌驚鴻翩明眸的皪美且妍熟視無

乃麻姑僊爲覓場中俠少年戲將蹴鞠賭榆錢觀者紛擁
人摩肩古苔繡石鋪茸氈遊郎逐隊三五聯合嬌賈勇誰
敢先珊瑚釧響行蹁躑果能步步生金蓮垂手側立身稍
前練裙微露弓鞋鮮當場一奮笑嫣然不知拋在若箇邊
歎如流星往復旋飄如同風斷復連突如鐵馬驟平田矯
如挽日升虞淵左迎右擊俯仰便革囊宛轉琬文堅欲墜
未墜從空懸疑有弱縷相鉤牽芳塵細裊成香綿輕雷般
地何轟闐傍流巧中節不愆迅足肯受拙目憐我聞此自
軒轅傳就中有勢通兵權曲折頓挫妙入玄何異劒舞蓮

花鈿與闌顧影意未捐拭汗重整雙珠鈿餘姿逸態猶屢
遷低鬟不語神氣全徘徊忽見山月圓今夕何夕樂事偏
彩毫醉寫菖蒲箋

陰澄湖舟中觀眾女郎沐髮歌

湖陰半釀濃藍汁日黯雲澄鏡光濕粉堞波搖菡萏浮沙
隄樹覆鴛鴦立彼美聯翩弭櫂來冰桃雪藕午筵開誰家
不挾吹簫侶若個堪當詠絮才篷底相逢笑相顧輒語殷
勤道情素偶思玉女洗頭泉爲乞金僊承掌露翠鬟欲解
自生香何必三薰五蘊湯拏得蘭英休結佩摘來桑葉已

陳保御席上賦得相逢行贈白小姬

行遊偶過陳遵宅投轄開樽夜留客芙蓉浥露天稍涼楊柳搖煙月將魄畫屏銀燭爛齊光僊姝冉冉來高唐當階響動珊瑚釧隔座香生縞素裳豔骨娉婷容色睟自覺清眞可人意唇朱微剖齒偏明蛾翠輕揚眼尤嬌相逢相見難爲情笑向檀郎問姓名不是宮中秦弄玉也應天上許

飛瓊云與香山同一譜小字夜來行第五二七芳年已破
瓜樓頭鎮日教歌舞歌舞教成負絕倫學書曾學衛夫人
彈碁竹院圍能解蹴鞠花場態轉新有時低鬟按綠綺絃
聲掩抑縈纖指曲沼文魚去復迴層空立鶴飛還止我聞
此語重沈吟不待橫陳情已深劈箋爲奏相逢引洛水巫
雲夜夜心

杜

濬

于皇茶村
黃岡人

秦淮燈船鼓吹歌

一聲著人如夢中雙槳再下耳乍聾三下四下管絃沸燈

船鼓聲天上至居然列坐倚船舷驚指遙看相詫異鼓聲
漸逼船漸近亦解迴環左右戲急攢冷點槳猶澀春雷坎
坎初驚蟄吹彈節鼓鼓倔強中有閒聲闌不入吁嗟此時
聽鼓止聽鳴誰能打拍聲裏情誰能眼底求精妙乍許胸
中見太平太平久遠知者稀萬歷年間聞而知九州富庶
無旌麾揚州之域尤希奇誰致此者帝軒羲下有江陵張
太師江陵初年執國政樂事無多廟謨競爾時秦淮一條
水伐鼓吹笙猶未盛江陵死日富强成聖人宮中奏雲門
後來宰相皆福人普天物力東南傾豪奢橫溢撒向水此

水不須重過秦王家謝家侈紈袴湖海游人鬪詞賦廣陵
女兒絕可憐新安金帛誰知數舊都冠蓋例無事朝與花
朝暮酒暮水嬉不待二月半衮服新妝桃葉渡高樓夾水
對排窗捲起朱簾人面素騰騰便有鼓音來燈船到處游
船開燭龍但恨天難夜赤鳳從教畫不回皇天此時亦可
哀龜年協律生奇材善和坊接平康街弄兒狎客多渠魁
船中百藝梁溪酒膽大心雄選鋒手蘇州簫管虎丘腔太
倉絃索崑山口鎮江染紅制瓔珞廿碗珠燈懸一角當前
置鼓大如筐黃金釘鉸來淮陽此聲一驩衆聲集不獨火

中聞霹靂風雨叢中百鳥鳴旌旗隊裏將軍立熬波煮火
火更然積響沈舟舟未濕可憐如此已快意未到端陽百
分一記我來遊丑與辰其時海內久風塵石榴花發照溪
津友人置酒我作賓下船少遲渡口塞踏人肩背人怒噴
燈光鼓吹河沙遍銜尾蟠旋成一串蔽虧果覺星河覆演
弄早使魚龍顛衆人洶洶我靜賞初奏此時差可辯須臾
光響相糾結惟聞森森沈沈直上翻雲漢東船西舫更交
加下視何繇覩寸瀾偶然閃倏透水處如金在鎔風掣電
樓樓堂客

白下稱內
人爲堂客

船船妓近不聞聲遠察面嗚呼此時

燈船更難動但坐飽食揮槳調絲按孔相陵亂侯家別攜
清商部那得于中間唱歎復有劣鼓與劣吹就中藏拙誰
能見爆竹聲低煙霧濃暫借春風解霑汗露零雨下不能
退樂極生悲真可厭酒醒忽迷此何地魂銷畧記伊堪戀
直至明朝日亭午船鬆卻退人相羨歸來沈眠須竟日流
鶯啼破河陽戰此後游人數日稀清淮十里流花片記得
座中客能說王穉登穉登搥鼓湘蘭舞賞音擊節屠長卿
後來好事潘景升晚節猶數茅止生絕藝于今誰作主李
小大歌張卯鼓當時惆悵說于今忍見于今又成古年復

年來事可歎燈船伐鼓鼓不懽辛壬之際大饑疫惟見鳳
陵烽火炤見秦淮白骨橫青灘桃葉何須怨寂寞天子孤
立在長安吾聞是時宰相薨成侯黃金至厚封疆讐公卿
濟濟咸一德坐令戰鼓逼龍樓甲申三月鼓遂破斷管殘
絲復誰和半閒堂裏起笙歌平章舟上稱朝賀試問當時
雷海青堦下池頭還幾箇新劇惟傳燕子箋殺人無暇上
游船行人何必近前聽塗毒鼓中無性命同時阿誰伎畜
爾惟有黃劉高左五侯耳君不見師延靡靡濮上水未若
玉樹後庭美賞音何人丞相韜相對掀髯復切齒一撥絃

中半壁亡一棒鼓中萬人死鼓急絃驚曲不長兩年歌絕
墮漁陽有客徒憐橋下水無人不斷渡邊腸及此相看真
分外何許藏舟一舟在拂塵捍撥初光輝奮槌揚袖襪襖
衣不燈漫乘夕照出無伴知從何處歸爭新誇異各有故
君看西風桃李枝西風一枝衆稱異東風萬樹空爾爲入
耳悲歡難具說醉裏分明寸心熱於戲漢代金仙唐舞馬
此事千年有無者興亡不入心手閒然後聲音如雨下探
湯撾鼓蒺藜刺應有心肝礙胸次餘音漠漠攪飛絮燈船
燈船過橋去過橋去傷鼓聲長歌短歌歌當成隴西李賀

抽身死舉杯相屬樊川生此生流落江南久曾聽當時煞
尾聲又聽今朝第一聲

王崇簡

敬哉宛
平人

夜坐聞箏

靜坐傳幽響纖微去住音因風來曲牖隨月度疎林塞北
淒涼調閨中宛轉心平生無限意愁絕不堪論

悼妾

慘澹孤情不可雙棋聲曾記對秋缸照人仍是當時月深
夜猶然上小窗

熊文舉

雪堂南
昌人

贈陳生

平生只覺別離難
況復天高草木寒
唱到秋江能下淚
不

知門外是長安

宋徵輿

直方
韓文
華亭人

贈李玉陽歌叟

一曲高歌驚四筵
白頭宛轉萬人前
明燈美酒留君住
說

盡神宗四十年

朱

隗

雲子
吳
縣人

寒山文倣人花果百蝶寫生冊歌

文氏名倣衡山先生之裔文彥可之女爲太倉
趙宦光凡夫之媳凡夫與婦陸卿子工于詞章
翰墨偕隱寒山疏泉架壑善自標致倣又能點
染寫生自出新意畫家以爲三百年獨絕亦一
時風流盛事也

寫生好手貴如生生氣還須挾秀情不求甚肖與逼肖氣
韻俱當領其要絕藝今看文倣人三百年來少同調畫工
雖工不足奇不忘本領守腔蹊倣人獨造往輒合疑有神
授心爲師幽閒寫意衷無競蒸粉澄膠亦心性蘿幌朝披
杉雨涼石窗夜掩桐雲淨古來寫生論結撰徐熙野逸黃

筌豔宣和皇帝工設色隱起可摩如粟縱做人好古不從
門宿物胸中絕半分不看真本效粉本土龍豈必能興雲
山園百物供清對慘淡棲神毫髮內苞芽甲拆應暄嚴宿
泊翺翔具魂態況是名家待詔孫兩門清節共高聲點畫
規模齊孟頫鼎彝鈔錄佐明誠人言寫生真婉麗弱腕惟
應貌蘭蕙誰知此冊筋骨清落筆仍藏草書勢吁嗟倅人
已逝妙不傳後有繼者誰能賢君不見文姬琴曲公孫劍
換卻從前閨閣面

漁洋山人曰汪茗文題文點與也畫花卉絕句云君
家道韞擅才華愛寫徐熙沒骨花曾向兒時窺指訣

筆端桃萼一枝斜
做點之從姑也

鴛湖主人出家姬演牡丹亭記歌

按鴛湖主人禾中某吏部也吏部家居時極聲伎歌舞之樂後以事見法南湖花柳散作荒煙東市朝衣變爲蛺蝶故吳祭酒梅村鴛湖曲有芳草乍疑歌扇綠落英錯認舞衣鮮之句余亦賦鴛湖感舊云曾說荒臺舞柘枝而今空見柳絲絲不因重唱鴛湖曲誰識南朝舊總持

鴛鴦湖頭颯寒雨竹戶蘭軒坐容與主人不慣留俗賓識
曲知音有心許徐徐邀入翠簾垂掃地添香亦侍兒默默
悄悄燈欲炮才看聲影出參差甃甃祇隔紗屏綠茗鑪相
對人如玉不須粉項與檀妝謝卻哀絲及豪竹縈盈澹蕩

未能名歌舞場中別調清態非作意方成豔曲到無聲始
是情幽明人鬼皆情宅作記窮情醒情癖當筵喚起老臨
川玉茗堂中夜深魄歸時風露四更初暗省從前倍起予
尊前此意堪生死誰似瑯琊王伯輿

王猷定

于一南
昌人

聽柳敬亭說書

百萬軍中託死生孫吳知此笑談兵千金散盡尋常事不
換盱眙市上名

英雄頭肯向人低長把山河當滑稽一曲景陽岡上事門

前流水夕陽西

許

宸

菊谿內鄉人

和秦淮征女詩

戈鋌匝地冷啼鴉顧影偷憐鬢未華
氣盡翻無腸可斷蔡姬多事賦琵琶

楊思聖

猶龍鉅鹿人

席上聽搗箏

夜半鳴箏北堂上勞嘈咽切情所向
卧聽氍毹星月高酒淺絃急色惆悵
一聲哀悲一聲訴碣石巫山無限路宛轉

如聞烏夜啼空濛似有湘靈渡須臾轟填鐵怒鳴壯士悲
歌氣不平黃雲淡淡沙蓬振白草颼颼劒戟橫憶昔經過
趙李家綺筵紅袖鬪繁華妙歌此曲聲細細坐客滿堂盡
歎嗟自從喪亂那聽此不記開元舊宮徵勸君何必意慘
愴人生哀樂徒爲爾

曹盾昌

石霞黃
岡人

樊樓詩

納姬廣
陵時作

遠山睂試曲闌邊鬢髮當年正可憐茶嫩有香經玉腕燭
紅將影暈柔肩敢知絡秀才支戶爲愛朝雲慧有禪莫以

黃金求粉本丹青難寫淡平天

石霞爲嘉定令罷官自放縱酒佯狂客死滇中少時
與漢陽王亦世齊名計改亭東懷舊詩云顛狂每伴
曹嘉定謹厚常稱王永嘉一樣
無聊同末路不如浪蕩送生涯

徐

波

元歎長洲人

贈范校書雙玉

雙玉名雲秦淮女子文舍人啟美有相逢恨少珠千斛問字云從玉

一雙之句

秦淮春水流碧玉雙鴛自覆煙蘅宿水引香魂漸向吳繁
花開盡搖空綠芳草沿門古岸橫相招吳語最分明深簾
度曲家家雨小閣嘗茶樹樹鶯耽遊年少看成隊來往燈

陰花影內新衣窄
襪索人憐感夢馳
情向誰在桃李徒教
蜂蝶忙幽蘭自愛
谷中香聲名不用量
珠價詞賦須闕宋
玉牆言甘體澤人思
嚙祇向圖中偷半面
齊梁格調未嫌卑
惆悵詩成獨不見

黃周星

九煙上人

擬作雜劇四種

美人才子與英雄
更著神仙四座中
演作傳奇隨意唱
柳枝風月大江東

贈丸丸

金屋瑤臺豈易攀忽從天上落人閒書傳聞苑緘珠淚珮
解湘臯結翠鬟楊柳路邊還有路蘼蕪山外更無山相思
何物縈春夢紅豆青絲琥珀環

閒庭枯坐秋風颯然忽憶昔年公車時過兗州新
嘉驛覓壁閒女子詩不得乃見李小有詩云有
才無命老秋風錦字銷亡淚墨空我亦十年塵
土面總來無分碧紗籠蓋小有下第南歸時亦
覓女子詩不得而題壁者也長吟數四不覺潛
然感而和之

文章幾度弔秋風
碎玉遺香夢亦空
若使騅驄悲皂棧
何殊鸚鵡殉雕籠

李元鼎

梅公吉水人陳其年曰侍郎與遠山夫
人朱中櫓有文江倡和集盛行于世

蕭孟昉移居秦淮納婦漫成絕句

六朝佳麗最秦淮
金屋偏宜傍水涯
無限春光留欲住
一簾花雨關蕭齋

三春全是看花忙
洛浦欣逢解珮璫
何處吹簫真引鳳
滿林絃管爲催裝

水邊競唱麗人行
仍是繁華舊帝京
漫說琴心心共許
繇

來一顧自傾城

冒

襄

辟疆加
臯人

其年畫紫雲小影遍索題詠戲題二絕

夜遣清童伴讀書老夫愛客勝璠璣六年別去情如海畫裏逢人應問余

陳子奇才亂典墳陳子癡情癡若雲世閒知己無如我不遣雲郎竟與君

水繪菴夜遊曲

畫檻煙深六曲迴夜光簇浪有船開數聲水調笙歌徹無

數明珠湧出來

閻爾梅

古古號白奔山人沛縣人

秋夜聽妓人度曲

膏沐風吹滿苑香
華嚴上寺接平康
官貽塞北秋分酒曲

奏江南夜度孃
描畫白登添懊惱
埋絃青塚失宮商
王孫

樂府飄零盡猶有
佳人感毅皇

大同有武宗行宮今盡燬

周永年

安期吳江人

董較書

秦淮女子名白字小苑

石墨雙丸筆
一牀不教添作遠山妝
正逢桃李當春月倍

覺芳蘭竟體香眉帶輕顰歡未劇頤含微笑恨翻長破瓜
時過千金意碧玉迴身肯就郎

李以篤

雲田漢陽人

雲田才高淪落好遊狹邪嘗眷延平蕭伎欲娶已又聘廬江女羅弱其副室周寶鑑尼之不果龔公芝麓爲賦老蕩子行云自言平生有奇癖楚宮微詞東山屐修蛾曼鬢紛性情羅袖玉釵遍薌澤豈登徒好色之流亞歟

寄周寶鑑

婦人集曰周炤字寶鑑江夏女子湘楚中人傳其丰神纖媚姣好如佚女性敏

給知書歸漢陽李先生固慕炤既得當炤則益大喜過望也然家先有大婦在炤眉黛閒恆有楚色李又愛谷遊嘗攜炤殘箋數幅以示友人無不色飛者生篋中又藏炤自寫坐月浣花

圖雙鬟如霧烘染欲絕圖尾有小傳二一曰絡
隱或曰炤又字絡隱云 毘陵董以宣曰炤江
夏周某女也某官山東按察司僉事遇閹難殉
節死炤哀之作悼懷之賦略曰俯江流之浩浩
兮弔禍衡與屈平彼填江而不溢兮何以抒其
憤盈草參差而並生兮孰辨其爲杜蘅鳥之嚶
吟亦各有所謂兮而人孰知其情讀之如聽三
閭大夫姊嬃吟也 龔百藥傳曰炤年十九所
至雖謹自蔽匿人得
窺見之炤蓋天人也

爾誠絡秀彥致令從我姓事與翽風異曷忍以相命

丙午秋僕遇雲田于虎丘之竹亭出示寶鏡小影雲
鬟霧髻髣髴髯雛如而雲田齒齟牙落語寶鏡刺刺不
休今錄是詩益憶湘臯神女 梁溪吳彩霞有贈寶
鏡詩云多生定擬蕊珠仙此日風流更宛然幾見名
姬爲紫玉欣逢佳偶卽青蓮香心似雪姿尤麗秀句
驚人骨亦妍最喜麟兒拋棗栗書聲共映綠窗前女

士龔靜照鵬紅集題周寶鏡詩云藥房新咏氣如芬
柳絮名高自不羣握管獨吟詩博士畫眉爭識女參
軍嬌藏金屋音猶遠步出香塵色轉殷
祇為天涯消息杳幾番愁摺石榴裙

史

立

弱翁吳江人

中秋攜新姬今宵出都

崇禎時弱翁在都門娶燕姬明慧善曲字曰今宵德

州盧侍御世演賦傾城悅名士詩贈之一時和者甚衆乙酉後弱翁沒于西濠姬亦嫁為厮養

婦矣

俄然出樊籠再遊江海天瀼瀼白露秋我行已三年京華

貴東濕龍沙事烽煙黃金養末士此輩無高賢怪汝蘭蕙

姿識我思歸川相從願同行梳頭鞍馬前我家住江南采

菱復采蓮自從遠行役湖渚空潺湲今歸果何如與汝相
周旋大婦織流黃小婦隨機邊三日下雨絹匹匹絲纏綿
其中我讀書文史聲相宣陰陽事殊用教化達以專念此
洽幽趣豈計囊空錢汝車我馬行明珠雙焰懸

沈自然

江人君服吳

君服才藻紛披集多麗句嘗賦雙燕云引領春風試
舞衣燭來故苑度芳菲穿簾弱影驚相顧點水斜身
欲傍飛繡野花枝低共語畫棠銀燭候同歸玳梁一
夜千秋事嫌殺紅窗遞曉暉金屋云金屋新妝鬪麗
華莫言銀漢隔天涯水羅罩影沈秋月蜀錦圍香鎖
絳霞春檻綠鸚歌玉樹曉窗青鳳拂桐花誰憐越女
江村裏旦晚臨溪自浣紗纖靡濃
豔駕軼西崑不僅步溫李後塵也

董姬哀詞

雙成子降居人間始寄金陵繼歸禾水風流詞翰冠絕一時委身於常湖陸秀才旣以薄倖遠遊參成怨恨纏綿不起齎志而終爰賦此辭

鍾嶺當窗秀秦淮。炤面開歌聲。先度柳簫韻。暗驚梅溪染。
花牋出絲飛。錦字迴彩雲。疑楚岫流水。是天台。約臂裝紅。
栗封詩翳碧苔。壓朱融濕粉。蛾綠點香煤。繡佛添鍼線。翻
經罷酒杯。本爲金母使。偶到石城隈。曲裏聞名冠。京師獨
見推。抱琴過雀舫。結佩戲龍媒。姊妹從容別。娃鬟次第摧。

春生湖似鑑書寄澤名雷青鳥期將至斑騅去不回斷腸
庭際草長嘆谷中薤南陌芳菲歇西陵松柏哀舊菴餘墨
漚涼館積青苔天樂金幢下神書玉版來遠思貽玳瑁幽
淚滴瓊瑰容與臨三島僂停步九陔玉真何日返擬作望
仙臺

戲贈

幽夢匆匆日易曛不辭心力事朝雲誰將彩筆題新句書
滿羊欣白練裙

徐

白

介白笑菴
吳江人

笑菴清癯峻削性類枯禪卜築靈巖三十年屏跡城
市室內顏白髮前朝士青山半屋雲之句綺語纖落
錄其單詞髣髴
聞天風步虛也

月下聽女郎彈琵琶

哀絃淒絕未知名若對清光更有聲總爲姮娥善幽怨人
閒此夜盡關情

萬壽祺

年少彭
城人

贈卞瑜芳

十千買酒鬱金香燈火熒熒照曲廊秋老河泥桃葉渡使
君都是野鴛鴦

周

肇

子叔太倉人

送卞玉京入道

卞家碧玉總傾城
片片雲鬟別樣輕
一捻蠻腰拋細舞
半簾嬌燕話長生
蕃釐花暖裙猶住
桃葉潮來暈不平
我自蹉跎君未嫁
薛濤箋尾署瑤京

曾

畹

庭聞盛都人

贈田較書

簾動聞人至
衣香近燭前
低徊光不定
旖旎鏡中縣
釵以輕風掠
睂從墮髻偏
聲聲河滿子
歌似李延年

虔州有懷故妓藥珠

細雨連檣龜角尾春風三月虎頭城倡樓昔在橋東畔楊

柳依依怨別聲

曾傳燦青藜庭聞難弟也嘗招妓燕集有蕙葉
籠雲垂寶曆桃花吹雨入春幃之句膾炙人口

本事詩後集卷七終

本事詩後集目錄

卷八

吳偉業

龔鼎孳

梁清標

紀映鍾

朱琬

嚴沆

顧開雍

曹爾堪

周茂源

本事詩卷八

後集

吳江徐 鈞電發編輯

邵武徐 榦小勿校刊

吳偉業

駿公梅村
太倉人

梅村先生躡屐東山縱情聲伎當歌對酒隻字流傳
人爭購寫論者以爲杜牧風情樂天才思不是過也
虞山蒙叟題其豔體詩曰過鼓吹簫罷後庭書帷別
殿冷流螢宮衣蛺蝶晨風舉畫帳梅花夜月停銜壁
金缸憐旖旎階紅藥笑娉婷水
天閒話天家事傳與人閒總淚零

琵琶行 有序

去梅村一里爲王太常煙客南園今春梅華盛

開予偶步到此忽聞琵琶聲出於短垣叢竹間
循牆側聽當其妙處不覺拊掌主人開門延客
問向誰彈則通州白在涓子或如父子善彈琵
琶好爲新聲須臾花下置酒白生爲余朗彈一
曲乃先帝十七年以來事敘述亂離豪嘈淒切
坐客有舊中常侍姚公避地流落江南因言先
帝在玉熙宮中梨園子弟奏水嬉過錦諸戲內
才人於暖閣齋鏤金曲柄琵琶彈清商襍調自
河南寇亂天顏常慘然不悅無復有此樂矣相

與哽咽者久之於是作長句紀其事凡六百二
言仍命之曰琵琶行

琵琶急響多秦聲對山慷慨稱入神同時漢陂亦第一兩
人失志遭遷謫絕調王康竝盛名崑崙摩詰無顏色百餘
年來操南風竹枝水調謳吳儂里人度曲魏良輔高士填
詞梁伯龍北調猶存止絃索朔管胡琴相閒作盡失傳頭
誤後生誰知卻唱江南樂今春偶步城南斜王家池館彈
琵琶悄聽失聲叫奇絕主人招客同看花爲問按歌人姓
白家住通州好尋覓袴褶新更回鶻裝虬鬚錯認龜茲客

偶因同坐話先皇手把檀槽淚數行
抱向人前訴遺事其時月黑花茫茫
初撥鷗絃秋雨滴刀劍相磨轂相擊
驚沙拂面鼓沈沈砉然一聲飛霹靂
南山石裂黃河傾馬蹄迸散車徒行
鐵鳳銅盤柱摧塌四條絃上烟塵生
忽焉摧藏若枯木寂寞空城烏啄肉
轆轤夜半轉呀啞嗚咽無聲貴人哭
碎珮叢鈴斷續風冰泉凍壑瀉淙淙
明珠瑟瑟拋殘盡卻在輕籠慢撚中
斜抹輕挑中一摘謬慄颼颼慙肌骨
銜枚鐵騎飲桑乾白草黃沙夜吹笛
可憐風雪滿關山鳥鵲南飛行路難
獵嘯颯啼山鬼語瞿塘千尺響鳴灘
坐中

有客淚如霰先朝舊直乾清殿穿宮近侍拜長秋咬春燕
九陪遊燕先皇駕幸玉熙宮鳳紙僉名喚樂工苑內水嬉
金傀儡殿頭過錦玉玲瓏一自中原盛豺虎煖閣才人撤
歌舞插柳停撈素手箏燒燈罷擊花奴鼓我亦承明侍至
尊止聞鼓樂奏雲門段師淪落延年死不見君王賜予恩
一人勞悴深宮裏賊騎西來趨易水萬歲山前鼙鼓鳴九
龍池畔悲笳起換羽移宮總斷腸江村花落聽霓裳龜年
哽咽歌長恨力士淒涼說上皇前輩風流最堪羨明時遷
客猶嗟怨卽今相對若南冠昇平樂事難重見白生爾盡

一杯酒絲來此技誰能手岐王席散少陵窮五陵召客君
知否獨有風塵潦倒人偶逢絲竹便沾巾江湖滿地南鄉
子鐵笛哀歌何處尋

永和宮詞

此詠明季田貴妃遺事也仁和沈寬題曰羣盜縱橫日深宮涕淚時千年亡國恨珥筆侍臣知陳其年婦人集曰明思宗田貴妃維揚人性明惠沈默寡言笑最得帝寵甲申李賊入燕都妃先一年薨

揚州明月杜陵花夾道香塵迎麗華舊宅江都飛燕井新
侯關內武安家雅步纖腰初召入鈿合金釵定情夕豐容

盛鬻固無雙蹴踘彈碁復第一上林花鳥寫生綃禁本鍾
王點素毫楊柳風微春試馬梧桐露冷暮吹簫君王宵旰
無歡思宮門夜半傳封事玉几金牀少宴眠陳娥衛豔誰
頻侍貴妃明慧獨承恩宜笑宜愁慰至尊皓齒不呈微索
問蛾眉欲蹙又溫存本朝家法修恭儉房帷久絕珍奇獻
敕使惟追陽羨茶內人數減昭陽膳維揚服製擅江南小
閣薰爐沈水煙私買瓊花新樣錦自修水遞進黃柑中宮
謂得君王旨溫成不妬肩隨齒早日艱難護大家比來歡
笑同良娣奉使龍樓買佩蘭往還偶失兩宮權雖云樊嫔

能辭令欲得昭儀喜怒難綠綈小字書方寸

一作
成印瓊函自

署充華進請罪長教聖主憐含詞欲得君王愠君王內顧
惜傾城故劍猶存敵體恩手詔內人蒙詰問自來階下拭
啼痕外家官拜金吾尉生平遊俠多輕利縛客因催博進
錢當筵便殺彈箏伎班姬才調左姬賢霍氏驕奢竇氏專
涕泣惟聞椒殿詔笑談豪奪灞陵田有司奏削將軍俸貴
人冷落宮車夢永巷傳聞去玩花景和門裏誰陪從天顏
不憚侍人愁后促黃門召共遊初勸官家伴不應玉車早
到殿西頭兩王最小牽衣戲長者讀書少者弟聞道羣臣

譽定陶獨將多病憐如意豈有神君語帳中漫云王母降
離宮巫陽莫救蒼舒恨金鎖雕殘玉筍紅從此君王慘不
樂叢臺置酒風蕭索已報河南失數州況經少子傷零落
貴妃瘦損坐匡牀慵髻啼睂掩洞房荳蔻湯溫冰簟冷荔
枝漿熱玉魚涼病不禁秋淚沾臆裴回自絕君王膝苔沒
長門有夢歸花飛寒食應相憶玉匣珠襦啟便房薤歌無
異葬同昌君王欲製哀蟬賦誄筆詞臣有謝莊頭白宮娥
暗嘆蹙庸知朝露非爲福宮草明年戰血腥當時莫向西
陵哭窮泉相見痛倉黃還向官家問永王幸免玉環逢喪

亂不須銅雀怨興亡自古豪華如轉轂武安若在憂家族
愛子雖添北渚愁外家已葬驪山足夜雨椒房陰火青杜
鵲啼血濯龍門漢家伏后知同恨止少當年董貴人碧殿
淒涼新木拱行人尙識昭儀塚麥飯冬青問茂陵斜陽蔓
草埋殘壠昭丘松檟北風哀南內春深擁夜來莫奏霓裳
天寶曲景陽宮并落秋槐

蕭史青門曲

爲劉駙馬作劉尙宣德長公主
國變後劉與公主猶流落人間

蕭史青門望明月碧鸞尾掃銀河濶好時池臺白草荒扶
風邸舍黃塵沒當年故后婕妤家槐市無人噪晚鴉卻憶

沁園公主第春鶯啼殺上陽花鳴呼先皇寡兄弟天家貴

主稱同氣奉車都尉誰最賢鞏公才地如王濟

駙馬都尉鞏永固也

被服依然儒者風讀書妙得公卿譽大內傾宮嫁樂安光

宗少女宜加意正值官家從代來王姬禮數從優異先是

朝廷啟未央天人寧德降劉郎道路爭傳長公主夫婿豪

華勢莫當百兩車來填紫陌千金榼送出雕房紅窗小院

調鸚鵡脆管繁箏叫鳳凰白首傳璣阿母飾綠襦大袖騎

奴裝灼灼天桃共穠李兩家姊妹驕純綺九子鸞雛鬪玉

釵釵工百萬恣求取屋裏薰爐滃若雲門前鈿轂流如水

外家肺腑數尊親
神廟榮昌主尙存
話到孝純能識面
抱來太子輒呼名
六宮都講家人禮
四節頻加戚里恩
同謝面脂龍德殿
共乘油壁月華門
萬事榮華有消歇
樂安一病音容沒
莞蕩桃笙朝露空
溫明秘器空堂設
玉房珍玩宮中賜
遺言上獻依常制
卻添駙馬不勝情
至尊覽表爲流涕
金冊珠衣進太妃
鏡奩鈿合還夫婿
此時同產更無人
寧德來朝笑語眞
憂及四方宵旰甚
自家兄妹話艱辛
明年鐵騎燒宮闕
君后倉皇相決絕
仙人樓上看灰飛
織女橋邊聽流血
慷慨難從輩公死

鞏殉難

亂離怕與劉郎別

扶攜夫婦出兵閒改朔移朝至今活粉碓脂田縣吏收牧
樓舞閣豪家奪曾見天街羨黛人今朝破帽迎風雪賣珠
易米返柴門貴主淒涼向誰說苦憶先皇涕淚漣長平嬌
小最堪憐青萍血碧他生果紫玉魂歸異代綠蠶嘆周郎
曾入選俄驚秦女遽登仙青青寒食東風柳彰義門邊冷
墓田昨夜西窗仍夢見樂安小妹重歡讌先后傳呼喚捲
簾貴妃笑折櫻桃倦玉階露冷出宮門御溝春水流花片
花落回頭往事非更殘燈炮淚沾衣休言傅粉何平叔莫
見焚香衛少兒何處笙歌臨大道誰家陵墓對斜暉只看

天上瓊樓夜烏鵲年年他自飛

圓圓曲

婦人集曰姑蘇女子圓圓字畹芬良家女

以姿制爲主色次之碌碌雙鬟難其選也蕙心蘭質澹秀天然生平所覩則獨有圓圓耳崇禎末年賊畹武安侯劫置別室中侯武人也圓圓若有不自得者李自成之亂爲賊帥劉宗敏所掠我兵入燕京圓圓歸某王宮中爲次妃

鼎湖當日棄人閒破敵收京下玉關慟哭六軍俱縞素衝冠一怒爲紅顏紅顏流落非吾戀逆賊天亡自荒譙電掃黃巾定黑山哭罷君親再相見相見初經田竇家侯門歌舞出如花許將戚里笙篴伎等取將軍油壁車家本姑蘇

浣花里圓圓小字嬌羅綺夢向夫差苑裏遊官娥擁入君王起前身合是采蓮人門前一片橫塘水橫塘雙漿去如飛何處豪家強載歸此際豈知非薄命此時只有淚沾衣薰天意氣連宮掖明眸皓齒無人惜奪歸永巷閉良家教就新聲傾坐客坐客飛觴紅日暮一曲哀絃向誰訴白晳通侯最少年揀取花枝屢迴顧早攜嬌鳥出樊籠待得銀河幾時渡恨殺軍書抵死催苦留後約將人誤相約恩深相見難一朝蟻賊滿長安可憐思婦樓頭柳認作天邊粉絮看遍索綠珠園內第強呼絳樹出雕闌若非壯士全師

勝爭得蛾眉正馬還蛾眉馬上傳呼進雲鬟不整驚魂定
蠟炬迎來在戰場啼妝滿面殘紅印專征簫鼓向秦川金
牛道上車千乘斜谷雲深起畫樓散關月落開妝鏡傳來
消息滿江鄉烏柏紅經十度霜教曲妓師憐尙在浣沙女
伴憶同行舊巢共是銜泥燕飛上枝頭變鳳凰長向尊前
悲老大有入夫婿擅侯王當時苦受聲名累貴戚名豪競
招致一斛明珠萬斛愁關山漂泊腰肢細錯怨狂風颺落
花無邊春色來天地嘗聞傾國與傾城翻使周郎受重名
妻子豈應關大計英雄無奈是多情全家白骨成灰土一

代紅顏照汗青君不見館娃初起鴛鴦宿越女如花看不
足香逕塵生烏自啼屨廊人去苔空綠換羽移宮萬里愁
珠歌翠舞古梁州爲君別唱吳宮曲漢水東南日夜流

按梅村又有礫感詩云武安席上見雙鬟血淚青娥
陷賊還不爲君親來故國只因女子下雄關取兵遼
海哥舒翰得婦江南謝阿蠻快馬健兒無限恨天教紅粉定燕山亦爲圓圓作也

琴河感舊

楓林霜信放棹琴河忽聞秦淮卞生賽賽到自
白下適逢紅葉余因客坐偶話舊游主人命犢
車以迎來持羽觴而待至停驂初報傳語更衣

已託病牖遷延不出知其憔悴自傷亦將委身
于人矣予本恨人傷心往事江頭燕子舊壘都
非山上蘼蕪故人安在久絕鉛華之夢況當搖
落之辰相遇則唯看楊柳我亦何堪爲別已屢
見櫻桃君還未見聽琵琶而不響隔團扇以猶
憐能無杜秋之悲江州之泣也漫賦四章以誌
其事婦人集曰吳縣葉襄贈姜垓百韻詩有云
酒鑪尋卞賽花底出陳圓按卞賽亦金閨
名伎家伯兄有贈晚芬絕句瀟湘一幅小庭收
蒹葭香餘暮色幽細細白雲生枕簟夢圓今夜
不知秋秋水波迴春月姿淡然遠岫學雙
眉清微妙氣輕噓吸谷裏幽蘭許獨知

白門楊柳好藏鴉誰道扁舟蕩漿斜金屋雲深吾谷樹玉
杯春暖尙湖花兒來學避低團扇近處疑嗔響鉶車卻悔
石城吹笛夜青驄容易別盧家

油壁迎來是舊遊尊前不出背花愁緣知薄倖逢應恨恰
便多情喚卻羞故向閒人偷玉筍浪傳好語到銀鉤五陵
年少催歸去隔斷紅牆十二樓

休將消息恨層城猶有羅敷未嫁情車過捲簾勞悵望夢
來攜袖費逢迎青山憔悴卿憐我紅粉飄零我憶卿記得
橫塘秋夜好玉釵恩重是前生

長向東風問畫蘭玉人微嘆倚闌干乍拋錦瑟描難就小
疊瓊箋墨未乾弱葉懶舒添午倦嫩芽嬌染怯春寒書成
粉箋憑誰寄多恐蕭郎不忍看

聽女道士卞玉京彈琴歌

鴛鴦逢天風北向驚飛鳴飛鳴入夜急側聽彈琴聲借問
彈者誰云是當年卞玉京玉京別我南中去家在大功坊
底住小院青樓大道邊對門卻是中山第中山有女嬌無
雙清眸皓齒垂明璫曾因內宴直歌舞坐中瞥見塗鴉黃
問年十六尙未嫁知音識曲彈清商歸來女伴洗紅妝枉

將絕技驚平康如此纔足當侯王萬事倉皇在南渡大家
幾日能安坐詔書忽下選蛾眉細馬輕車不知數中山好
女光徘徊一時粉黛無人顧豔色知爲天下傳高門愁被
旁人妬盡道當前黃屋尊誰知轉盼紅顏誤南內初修梁
苑成北兵已報揚州破聞道君王走玉驄犢車不用聘昭
容幸遲身入陳宮裏卻早名填代籍中依稀記得祁與阮
同時亦中三宮選可憐俱未識君王軍府鈔名被驅遣漫
詠臨春瓊樹篇玉顏零落委花鈿當時錯怨韓擒虎張孔
承恩已十年但教一日見天子玉兒甘爲東昏死羊車望

幸阿誰知青塚淒涼竟如此我向花閒拂素琴一彈三嘆
爲傷心暗將別鵲離鸞引寫入悲風怨雨吟昨夜城頭吹
簫築教坊也被傳呼急碧玉班中怕點留樂營門外盧家
泣私更裝束出江邊恰遇丹陽下渚船剪就黃緇貪入道
攜來綠綺訴嬋娟此地由來盛歌舞子弟三班十番鼓月
明絃索更無聲山塘寂寞經兵火十年同伴兩三人沙董
朱顏盡黃土貴戚深閨陌上塵吾輩飄零何足數坐客聞
言起嘆嗟江山蕭瑟隱悲笳莫將蔡女邊頭曲落盡吳王
苑裏花

過錦樹林玉京道人墓

玉京道人莫詳所自出或曰秦淮人姓卞氏知
書工小楷能畫蘭能琴年十八僑虎丘之山塘
所居湘簾斐几嚴淨無纖塵雙眸泓然日與佳
墨良紙相映徹見客初亦不甚酬對少焉諧謔
閒作一坐傾靡與之久者時見有怨恨色問之
輒亂以他語其警慧雖文士莫及也與鹿樵生
一見遂欲以身許酒酣拊几而顧曰亦有意乎
生固爲若勿解者長歎凝睇後亦竟弗復言尋

遇亂別去歸秦淮者五六年矣久之有聞其復
東下者主于海虞一故人偶過焉尙書某公
者張具請爲生必致之衆客皆停杯不御已報
曰至矣有頃迴車入內宅屢呼之終不肯出生
悒悒自失始不能爲情歸賦四詩以告絕已而
歎曰吾自負之可奈何踰數月玉京忽至有婢
曰柔柔者隨之嘗著黃衣作道人裝呼柔柔取
所攜琴來爲生鼓一再行泣然曰吾在秦淮見
中山故第有女絕世名在南內選擇中未入宮

而亂作軍府以一鞭驅之去吾儕淪落分也又
復誰怨乎坐客皆爲出涕柔柔莊且慧道人畫
蘭好作風枝婀娜一落筆盡十餘紙柔柔承侍
硯席閒如弟子然終日未嘗少休客或導之以
言弗應與之酒弗肯飲踰兩年渡浙江歸于東
中一諸侯不得意進柔柔奉之乞身下髮依良
醫保御氏于吳中保御者年七十餘侯之宗人
築別宮資給之良厚侯死柔柔生一子而嫁所
嫁家遇禍莫知所終道人持課誦戒律甚嚴生

於保御中表也得以方外禮見道人用三年力
刺舌血爲保御書法華經既成自爲文序之緇
素咸捧手讚嘆凡十餘年而卒墓在惠山祇陀
菴錦樹林之原後有過者爲詩弔之

龍山山下茱萸節泉響琤琮流不竭但洗鉛華不洗愁形
影空潭照離別離別沈吟幾迴顧遊絲夢斷花枝悟翻笑
行人怨落花從前總被春風誤金粟堆邊烏鵲橋玉孌湖
上蘼蕪路油壁曾聞此地遊誰知卽是西陵墓烏桕霜來
映夕曛錦城如錦葬文君紅樓歷亂燕支雨繡嶺迷離石

鏡雲絳樹草埋銅雀硯綠翹泥碗鬱金裙居然設色倪迂
畫點出生香蘇小墳相逢盡說東風柳燕子樓高人在否
枉拋心力付蛾眉身去相隨復何有獨有瀟湘九畹蘭幽
香妙結同心友十色箋翻貝葉文五條絃拂銀鉤手生死
梅檀祇樹林青蓮舌在心難朽良常高館隔雲山記得斑
駝嫁阿環薄命只應同入道傷心少婦出蕭關紫臺一去
魂何在青鳥孤飛信不還莫唱當時渡江曲桃根桃葉向
誰攀

聽朱樂隆歌

少小江湖載酒船月明吹笛不知眠只今憔悴秋風裏白
髮花前又十年

題西泠閨詠

石城卞君者系出田居隱偕蠶室嚴子著同聲
之賦立文詠嬌女之篇辭旨幽閒才情明慧寫
柔思於卻扇選麗句以當窗足使蘇蕙扶輪左
思失步矣故里秦淮早駕木蘭之楫僑居明聖
重來油壁之車風景依然湖山非故趙明誠金
石之錄卷軸無存蔡中郎薤白之辭筆牀猶在

余攬其篇什擷彼風華體寄七言詩成四律愧
非劉柳聞白雪之歌謬學徐陵敘玉臺之詠云
爾婦人集曰石城卞立文名夢珏母曰吳巖子
名山夙擅詩歌西曲諸女郎能音旨者靡不
宗卞後適廣陵劉
孝廉孝廉名師峻

落日輕風鴈影斜蜀牋書字報秦嘉絳紗弟子稱都講碧
玉才人本內家神女新詞填杜若如來半偈繡蓮花妝成
小閣薰香坐不向城南鬪鈿車

晴樓初日照芙蓉姑射仙人賦子虛紫府高閒詩博士青
山遺逸女尙書賣珠補屋花應滿刻燭成篇錦不如自寫

洛神題小像一簾秋水鏡湖居

五銖衣怯鳳凰雛珠玉爲心冰雪膚綠騰侍兒春被襖紅
牙小妹夜擣蒲瓊窗日暖櫻桃賦粉箴風輕蛺蝶圖頻歛
翠蛾人不識自將書札問麻姑

石城楊柳碧城鸞謝女詩篇張女彈鸚鵡歌調銀管細琅
玕字刻玉釵寒雙聲宛轉連珠格八體濃纖倒磴看閒整
筆牀攤卷素棠梨花發倚闌干

贈寇白門

婦人集曰寇白門南院教坊中女也朱保國公娶姬時令甲士五千俱執絳紗

燈炤耀如同白晝國初籍沒諸勳衛朱盡室入燕都次第賣歌姬自給姬度亦在所遣中一日

謂朱曰公若賣妾計所得不過數百金徒令妾落沙吒利之手且妾固未暇卽死尙能持我公陰事不若使妾南歸一月之間當得萬金以報公度無可奈何縱之歸越一月果得萬金

南內無人吹洞簫莫愁湖畔馬蹄驕殿前伐盡靈和柳誰與蕭孌鬪舞腰

朱公轉徙致千金一舸西施計自深今日祇因勾踐死難將紅粉結同心

重點盧家薄薄妝夜深羞過大功坊中山內宴香車入寶髻雲鬟列幾行

曾見通侯退直遲縣官今日選蛾眉窈孌何處雷塘火漂

泊楊家有雪兒

臨淮老妓行

婦人集曰臨淮老妓某戚晚府中淨持也後爲東平侯女教師甲申京都

失守侯欲偵

兩宮音息而賊騎充斥麾下將無

一人肯行

伎奮然曰身給事戚晚邸中久宜往

遂易韎韐

持匕首開關

數千里穿賊壘而還

臨淮將軍攢開府不鬪身強鬪歌舞白骨何如棄戰場青

娥已自成灰土老大猶存一妓師柘枝記得開元譜纔轉

輕喉便淚流尊前訴出漂零苦妾是劉家舊主謳冬兒小

字叫梁州翻新水調教桃葉撥定鴟弦授莫愁武安當日

誇聲伎秋娘絕藝傾時世戚里迎歸金犢車後來轉入臨

淮第臨淮游俠起山東帳下銀箏小隊紅巧笑射棚分畫
的濃妝毬仗簇花叢縱爲房老腰肢在若論軍容粉黛工
羊侃侍兒能走馬李波小妹解彎弓錦帶輕衫嬌結束城
南挾彈貪馳逐忽聞京闕起黃塵殺氣奔騰滿川陸探騎
誰能到薊門空閒千里追風足消息無憑訪兩宮兒家出
入金張屋請爲將軍走故都一鞭夜渡黃河宿暗穿敵壘
過侯家妓堂仍訝調絲竹祿山裨將帶弓刀醉擁如花念
奴曲倉卒逢人念二王武安妻子相持哭薰天貴勢倚椒
房不爲君王收骨肉翻身歸去遇南兵退駐淮陰正拔營

寶劍幾曾求死士明珠還欲致傾城男兒作健酣杯酒女
子無愁發曼聲可憐西風怒吹折山陽樹將軍自撤沿淮
戍不惜黃金購海師西施一舸東南避鬱洲崩浪大于山
張帆捩柁無歸處重來海口豎降幡全家北過長淮去長
淮一去幾時還誤作王侯邸第看收者到門停奏仗蕭條
西市嘆南冠老婦今年頭總白淒涼閱盡興亡迹已見秋
槐隕故宮又看春草生南陌依然絲管對東風坐中尙識
當時客金谷田園化作塵綠珠子弟更無人楚州月落清
江冷長笛聲欲斷魂

王郎曲

王郎名稼於勿齋先生二株園中見之髻而皙
明慧善歌今秋遇于京師相去已十六七載風
流儇巧猶承平時故習酒酣一出其伎坐上爲
之傾靡余此曲成合肥龔公芝麓口占贈之曰
薊苑霜高舞柘枝當年楊柳尙如絲酒酣卻唱
梅村曲腸斷王郎十五時

王郎十五吳趨坊覆額青絲白皙長孝穆園亭常置酒風
流前輩酒人狂同伴李生柘枝鼓結束新翻善財舞鎖骨

觀音變現身反腰貼地蓮花吐蓮花婀娜不禁風一斛珠
傾宛轉中此際可憐明月夜此時脆管出簾櫳王郎水調
歌緩緩新鶯嘹嚦花枝暖慣拋斜袖卸長肩眼看欲化愁
應懶摧藏掩抑未分明拍數移來發曼聲最是轉喉愁入
破殢人腸斷臉波橫十年芳草長洲綠主人池館惟喬木
王郎三十長安城老大傷心故園曲誰知顏色更美好瞳
神剪水清如玉五陵俠少豪華子甘心欲爲王郎死寧失
尙書期恐見王郎遲寧犯金吾夜難得王郎暇坐中莫禁
狂呼客王郎一聲聲頓息移牀欹坐看王郎都似與郎不

相識往昔京師推小宋外戚田家舊供奉只今重聽王郎
歌不須再把昭文痛時世工彈白翎雀婆羅門舞龜茲樂
梨園子弟愛纏頭請事王郎教絃索恥向王門作伎兒博
徒酒伴貪歡謔君不見康崑崙黃幡綽承恩白首華清閣
古來絕藝當遇都盛名肯放優閒多王郎王郎可奈何

楚兩生行

蔡州蘇崑生維揚柳敬亭其地皆楚分也而又
客于楚左寧南駐武昌柳以談蘇以歌爲幸舍
重客寧南沒于九江舟中百萬衆皆奔潰柳已

先期東下蘇生痛哭削髮入九華山中久之從
武林汪然明然明亡之吳中吳中以善歌名海
內然不過嘽緩柔曼爲新聲蘇生則以陰陽抗
墜分判比度如崑刀之切玉叩之栗然非時世
所爲工也嘗過虎丘廣場大集生睨其旁笑曰
某郎以某字不合律有譏之者曰彼儉楚乃竊
言是非思有以挫之閒請一發聲不覺屈服顧
少年耳剽日久終不肯輕自貶下就蘇生問所
長生亦落落難合到海濱寓吾里蕭寺風雪中

以余與柳生有雅故爲立小傳援之以請曰吾
浪迹三十年爲通侯所知今失路憔悴而來過
此惟願公一言與柳生竝傳足矣柳生近客于
雲間帥識其必敗苦無以自脫浮沈倣弄在軍
政一無所關其禍也幸以免蘇生將渡江余作
楚兩生行送之以之寓柳生俾知余與蘇生游
且爲柳生危之也

黃鵠磯頭兩楚生征南上客擅縱橫將軍已沒時世換絕
調空隨流水聲一生拄頰高談妙君卿唇舌淳于笑痛哭

長因感舊恩談諧尙足陪年少窮途重走伏波軍短衣縛
袴非吾好抵掌聊分幕府金褰裳自把江村釣一生嚼徵
與含商笑殺江南古調亡洗出元音傾老輩疊成妍唱待
侯王一絲縈曳珠盤轉半黍分明玉尺量最是大堤西去
曲累人腸斷杜當陽憶昔將軍正全盛江樓高會誇名勝
生來索酒倚長歌中天明月軍聲靜將軍聽罷據胡牀撫
髀百戰今衰病一朝身死豈降旛貔貅散盡無橫陣祁連
高塚泣西風射堂賓客嗟蓬蒿羈棲孤館伴斜曛野哭天
邊幾處聞草滿獨尋江令宅花開閒弔杜秋墳鵲絃屢換

尊前舞鼉鼓誰開江上軍楚客祇憐歸未得吳兒背道不
如君我念邗江頭白叟滑稽幸免君知否失路徒貽妻子
憂脫身莫落諸侯手坎壈由來爲盛名見君寥落思君友
老去年來消息稀寄爾新詩同一首隱語藏名代客嘲姑
蘇臺畔東風柳

贈蘇崑生絕句

樓船諸將碧油幢一片降旗出九江獨有龜年卧吹笛暗
潮打枕泣蓬窗

有客新經墮淚碑武昌官柳故垂垂扁舟夜半聞蘆管猶

把當年水調吹

西興哀曲夜深聞絕似南朝汪水雲回首岳侯墳下路亂
山何處葬將軍

故國傷心在寢仁蒜山北望淚交流饒他劉毅思鵝炙不
比君今憶蔡州

題冒辟彊家姬董白小像

并引

夫笛步麗人出賣珠之女弟雉臯公子類側帽
之參軍名士傾城相逢未嫁人諧讌婉時遇漂
搖則有白下權家燕城亂帥阮佃夫刊章置獄

高無賴爭地稱兵奔迸流離纏綿疾苦支持藥
裹慰勞羈愁苟君家免乎勿復相顧寧吾身死
耳遑恤其勞已矣夙心終焉薄命名留琬琰跡
寄丹青嗚呼鍼神繡罷寫春蚓于烏絲茶癖香
來滴秋花之紅露在軼事之流傳若此奈餘哀
惻愴如何鏡掩鸞空絃摧鴈冷因君長恨發我

短歌詔以八章聊當一嘅爾

婦人集曰秦淮重
姬字小宛才色擅

一時後歸如臯冒推官名襄明秀溫惠與推官
雅相稱居豔月樓集古今閨幃軼事薈爲一書
名曰奩豔王吏部士祿撰朱鳥逸史往往津津述
之姬後天葬影梅菴旁張明弼揭陽爲傳吳綺

兵曹爲諫詳載
影梅菴憶語中

射雉山頭一笑年相思千里草芊芊偷將樂府窺名姓親
繫雲璈第幾仙

珍珠無價玉無瑕小字貪看問妾家尋到白隄呼出見月

明殘雪映梅花

余向贈詩有今年明月長
洲白之句白隄卽其家也

念家山破定風波郎按新詞妾唱歌恨殺南朝阮司馬累
儂夫婿病愁多

亂梳雲髻下妝樓盡室倉皇過渡頭鈿合金釵渾拋卻高
家兵馬在揚州

龔鼎孳 孝升芝麓
合肥人

芝麓龔公以金鐘玉衡之材振清廟明堂之響開入
間情輒多香豔嘗觀其讀曲歌題詞云拈花弄草何
妨借繡榻以寫生飲酒讀騷不若買芳妹而閉戶信
手梅花一賦不獨宋廣平也汪鈍翁說鈴云合肥
龔先生作詩文下筆數千言可立就詞藻繽紛都不
點竄爲 孝陵所識賞常在禁中嘆曰龔某真才子
也

催妝曲爲杜于皇納姬賦

瓊綃四角檀絲遶晴雲犀押烘朱鳥茱萸麝帶搖春風鳳
蠟散花銀箭曉梨渦小纈勻紅煙金蟲斜堆睡未闌青菱
呵活紫綿軟迴身卻抱鴛鴦絃畫中蛺蝶愁黃昏今日親

本事詩
承一笑恩江南有情無盡處蜜蜂飛上蓮鬚語

弔惜郎

朱門歌舞鬱金香
豪竹青絲夜未央
花霧一痕花似箭
可憐吹落打毬場

煙霧曾看玉質蒙
迴身一片落花風
招魂記得松寮影
半在濃香澹月中

過昭君故里和邸店壁上女子韻

鬱金堂外總愁鄉
青粉含毫惱客腸
悲角夜寒孤枕月
紫駝家指一鞭霜
魂搖環珮春何在
語澁琵琶曲幾行
千載

明妃憐薄命畫圖猶得訴君王

槩子贈楊枝絕句戲和

老去心情似亂絲銜杯鼓勇一登陴落花時節人重見定要楊枝唱柘枝

柳花如雪雨如絲簾外殘鶯過短隄不信江南風景好杜鵑聲裏送楊枝

按楊枝冒辟疆家歌童也芝麓有和冒青若贈楊枝畫堂春詞云春滿二月曼雅黃揚州人到長楊絲絲縷縷畫柔腸瘦得神傷春色隋堤一片繡簾香粉千行相逢飛絮已池塘誤卻風光又和陳其年長相思一闋云倒芳卮訴芳卮縱不相憐也莫辭歡多那易離惱楊枝惜楊枝對此青青我髩絲腰肢問小時附

錄其年贈別楊枝云漱金卮閣金卮不是樽前抵死
辭今宵是別離撚楊枝問楊枝花萼樓前跪地垂休
忘初種時

爲友沂所歡題扇

王郎天壤竟情多宋玉衣香許拂羅花下每分平叔粉人
閒誰記念奴歌曉風殘月春如此細雨輕帆愁奈何訝道
妝成臨鏡立鬚眉巾幘近來說

戲代林郎悵別

花氣親沾蛺蝶裙一絃一思繞春雲魂銷今夜長安月酒
冷香殘應憶君

粉巾紅淚濕千行
囑付更籌一刻長
願得黃昏花睡去
畫樓偏遣月如霜

薄命銅鞮宮裏人
舞裙歌板正青春
淒涼旅客愁如海
半夜挑燈賦洛神

一笑相逢石上緣
珠啼玉唾總堪憐
多情豈是癡兒女
慧卽文人俠卽仙

一奩春水畫中居
愁病無緣攬子祛
共說三眠人似柳
腰肢瘦到沈尙書

綵線眞成續命絲
玳梁花語卻差池
生來海燕原同宿
莫

話盧郎年少時

爲秋岳悼亡用李長吉惱公韻

擘桃憐小靨彈荔墜輕紅
雒珮乘靈霧瓊煙散綺叢
影如春絮遠妝憶露華濃
鸚鵡窺蟾鏡桺檀冷鈿筒
藥疑偷玉杵浪只打秋蕩
蛤帳留立的蝦鬚網綠蟲
窗知百和語衾吐合歡茸
樓鳳憑簫迴奩蛛受粉融
當年釵插髻無那步臨風
理楫迎仙葉吹燈護錦蓉
豔將鴉鬢發羞仗麝巾籠
犀帖衝梁燕蓮窠穩蜜蜂
牙冠蘭袖拂羅襪水晶蒙
寶扇分天賜吳紉壓鬼寶
勻脂供繡虎掃黛健當熊
冰立看囊

筆波橫灩楚弓同心人是柏幽閣氣如虹倉卒甘泉火蒼
茫函谷封有金埋將相無劒倚崆峒萬戶聞哀鴟干官哭
鼎龍河山隋苑草風雨漢臺銅憔悴孤臣泣堅貞女士蹤
血甘陵土碧衣惜御爐烘完璧存瑤瑟鋪香種鹿蔥旅愁
寬塞鴈彤管奉江楓夫子騰嘉譽詞場起峻墉葡萄名最
重菡萏色偏穠惆悵梁家總譏彈霍氏馮調鶯澆磊瑰遣
騎召絲桐步嶂紛相籍油車晚自從纏綿溫蕙性親切泥
雕櫳比翼翻文沼柔條擅永豐期尋霞外駕兼擷故園菰
雲母纔裝館樵青可署僮身憑呼翡翠郎愛躍花驄鄭重

眞珠掌弄微絳雪容茱萸修帶結蛺蝶盛年充鬢瘦清霜
後腸迴石闕中啼鵲絨舌剪墮馬臙鬟髮入夢神題峽招
魂客自邛長生門竟鎖銀漢鵲難通潘岳心搖落休文體
病懣霓裳瀛海見樺燭繡帷逢展匣芳痕濕挑琴密意融
伯勞飛漸杳溝水識成凶琬字鑄南國政簪折舊宮眞消
紅蠟淚空羨白頭翁嬌女珊瑚擁遺珪瑞腦縫烏迷建業
樹月過景陽鐘好向楊枝覓多情本易空

初夏聽傳璧度曲

落花深處燕泥香碧樹陰移錦席涼正是江南春盡日玉

簫金管出橫塘

至白下吳巖子以詩見貽展玩之餘輒爲遙和兼

送其卜居湖上

送春猶及柳絲風杜宇情多繞故宮草長六橋香欲去花
飛三月夢初逢青溪煙雨知何代後庭玉樹紛難再啼鳥
應改舊朱樓當年人影雙雙在萬事飄零豈自繇鵬鷖一
艇還綢繆博山簾捲開芳咏無數紅蘭正竝頭九天咳唾
明珠墜玉鉤敲醒鸚哥醉闌閣文章事已奇江山罨畫家
如寄千秋逸韻落晴湖庶下何須更僦吳爲著風流高士

傳敢題金粉麗人圖

戲爲韶九張郎二絕句

青霜天氣月明時
重見春風柳一枝
爲報芙蓉妝鏡畔
畫眉人是遠山眉

豪竹青絲夜未央
錦燈圍處晚花香
楚宮雲氣今誰賦
羅袖空餘淚兩行

按張郎雲間人爲宋轅文所暱轅文沒後宗伯嘗于
摩訶菴杏樹下爲張郎作感舊詞調菩薩蠻云蔚藍
一片山初染粉紅花底看人面玉笛怕花飛花開人
莫歸當時花下客把酒斜陽立今日對斜陽與花同
斷腸又壬子春暮集朱荔裳寓園喜張郎至調蝶戀
花云春絳情絲千縷纈夢裏人來乍暖輕寒節何處

玉腕曾小歇海棠飄落胭脂雪重倩紅牙溫舊關張
緒風前好是腰身絕樓閣水明光四徹羅衣影漾波
月心

袁籀菴招飲演所撰西樓傳奇同秋岳賦

鳳管鵬絃奏台園酒場新約醉無歸可憐薊北紅牙拍
唱江南金縷衣詞客幸隨明月在清歌應遏彩雲飛上林
早得琴心賞粉黛知音世總稀

寒城客思繞更籌夢裏橫塘阻十洲一部管簫新解語六
朝人物舊多愁烏棲往事談何綺鶯囀當筵滑欲流落魄
信陵心自苦徵歌莫訝錦纏頭

唐祖命納姬吳陵爲賦催妝詩

繡帶留仙麝粉飄
天涯明月照填橋
鸛鵲裘價能多少
買得春江第一簫

紅潮雙纈鬪燕支
看殺吳陵輕薄兒
只有鳳池青玉管
天教長近遠山睂

霧鬢釵宜刻玉鸞
鏡臺消得盡情看
隋堤一派垂楊路
不種瓊花種合歡

爲善持君初度和巖子

水晶簾捲萬山開
百和深籠玉鏡臺
貝葉靜翻花雨落
衆

香國裏對如來

贈歌者王郎南歸

香鞦紫絡度煙霄金管瑤笙起碧寥誰唱揚州新樂府舊
人彈淚覓櫻桃

盤髻搗箏各鬪妝當筵彈動舞山香酒錢夜數留人醉不
是吳姬不可嘗

王生輓歌

春風幾日拂朱絃玉骨生將塵尾填雲散畫梁人未老轉
傷紅豆李龜年

風急江城捲暮潮樽前碧月尙春宵王郎已死清歌歇愁

聽東吳紫玉簫

寒食棠梨野水昏孤舟細雨隔江村鷓鴣聲急千山暮玉

笛分明話斷魂

梁清標

玉立蒼巖又號棠村真定人

汪蛟門舍人曰棠村公領尙書事垂二十年功名既赫奕矣猶篤學不倦每退朝卽簾閣靜坐嘯詠自娛所著詩古文傳頌遍海內閒爲小詞必奪宋人之座與吳祭酒梅村龔宗伯香巖竝傳嘗構蕉林書屋自題絕句云半船坐雨冷蕭蕭彷彿江天弄晚潮人在西窗清似水最堪聽處是芭蕉又云淡煙晴日滿簾櫳春色依依上小紅客爲看花頻載酒海棠開否問東風有蕉林詩集

題李司空陳姬遺像

想像春風面殷勤屬畫師
曲房燒燭夜長笛倚樓時
晝永調鸚鵡歌成喚雪兒
姍姍明月下初訝珮環遲

虛負鸛鵒翼支離奈爾何
鸞膠疑可續湘水怨偏多
寶篋閒青鏡香奩賸黛螺
忘情非我輩忍復聽雲和

高念東姬人亡爲詩輓之用東坡韻

玉隕蘭摧莫問天
洗妝辛苦伴談玄
畫眉京兆原多事
誦偈朝雲晚悟禪
桃葉春風江上句
梧桐夜雨夢中緣
絮飛不待丹成去
證果三生洛浦仙

劉莊卽事次念東韻

是日演黃梁夢追憶昔時同雪堂淇瞻集此園
觀秋江劇不勝聚散存亡之感

剪剪西風荇藻香煙波一曲鳳城傍酒壚客散河山逸槐
國人醒歲月長便欲觀濤吟七發渾疑落木下三湘聞歌
今昔同流水莫負溪橋漱灩光

再次念東韻

雪堂侍郎贈歌者陳
郎有烏絲紅淚之句

銀塘瑟瑟杜蘅香落日開樽野水旁黃葉碧雲人旣遠烏
絲紅淚恨偏長空聞送客傷湓浦無復招魂弔楚湘秋色

依然軒檻外那堪重認舊湖光

揚州偶感

由來明月在揚州子晉吹笙此地留玉燕上釵三婦豔金
丸落鳥五陵游丹青錦軸充行笥燈火春宵醉畫樓一代
豪華流水盡祇今猶說富平侯

前溪一曲舞腰輕挾瑟佳人自石城十里香凝絲步障五
侯餉合玉盤鯖田文座上雞鳴客虞氏樓中采擲瓊燕去
烏衣空甲第那溝花鳥若爲情

日暖泥融走鈿車江頭唱徹後庭花櫪閒騷裏金羈絡獸

壓香爐玉辟邪翡翠鉤垂弘靖宅珊瑚樹出季倫家竹西
何事喧歌吹不種東陵五色瓜

隊隊紅妝細馬馱鳳臺消息竟如何千盤客壓銀絲膾七
寶花園白苧歌醒酒石欹秋蘚蝕縷金裙疊暗塵多蕭條
衣桁毬場冷無復春風入綺羅

劉園觀陳伶演秋江劇次雪堂韻

秦青一曲和人難寫出秋江木葉寒搖落渾疑江上立不
知酒醒是長安

芙蓉秋影亂平波折柳江頭哀怨多未免有情還我輩停

杯盞有恨無那

聽罷新聲送夕暉行雲暫駐尙依稀分司御史疎狂甚誰
復開籠放雪衣

雛鶯百轉擬輕喉似笑如顰怪底愁他日重尋腸斷處沈
沈燭影水邊樓

詞場玉茗古今師繼起陽春更在斯吏部文章司馬淚秋
塘蕭瑟柳絲絲

閒心蕭颯斷諸緣忽漫當歌體欲仙秋水盈盈人宛在西
風零落芰荷天

冬夜觀伎演牡丹亭

優孟衣冠鬼亦靈三生石上牡丹亭
臨川以後無知己子夜聞歌眼倍青

贈柳敬亭南歸白下

三十年來說柳生留髡此日絕冠纓
指揮舊事如圖畫對汝堪移萬古情

閱盡桑田一布衣冶城深處有柴扉
春來數醉荆卿酒風起楊花送客歸

軍中軼事語如新磊落靈南百戰身
爲問信陵當日客侯

門誰是報恩人

齊諸志怪詎荒唐抵掌風雲起座旁
天寶尙存遺老在何
歎白首說興亡

宋荔裳觀察召飲寓園祭臯陶新劇

春城忍見一花飛勝侶長安此會稀
白舫柳塘簫鼓發朱
樓夾岸盡開扉

對酒當歌水竹叢人間何事謗書同
不須重讀三君傳今
古傷心一曲中

春宵觀邢郎演劇

小堂一載罷雲璈此夕開尊絳燭高人面衣香花解語當筵重認鄭櫻桃

題毛大可姬人曼殊小照

百朶雲光綰髻斜焚香小坐澹鉛華畫圖展向春風裏好護豐臺第一花

紀映鍾

伯紫一字槩子號慙叟上元人

慙叟自稱鍾山遺老與方文林古度齊名白髮當歌紅牙聽曲說青溪舊事媿媿不倦一日與大梁周在浚茗溪徐倬暨僕輩痛飲燕市城西有絕句云風雅松陵勝昔時力裁偽體出偏師徐郎本事從珍重始信無情未是詩謂余所輯續本事詩也僕亦和云人物南朝賭酒時過江僕射是吾師猶餘慙叟風流在

張絕青溪
數首詩

雛嬈度曲歌

爲王
郎作

金衣仙人啄紅藥琅玕粉蛻胭脂淪江南四月雨初晴五
銖香動湘靈笛王郎羯鼓牢騷人坐上雛嬈竝春萼雛嬈
漆髮秋水姿宛若驚鴻起幽壑清歌一曲易人慮行者忘
擔郢忘聖細聲直上廣庭雲激越還捎林莽落歌罷清輝
炤坐人雕檻三日餘音嫋渟于優孟錯兩旁一石仍輸君
善譁羅襦不解薌澤聞東鄰有女避重閣誰能才調比王
郎不負佳人萬金託開元天子重梨園公孫大嬈劒磅礴

杜陵野老愁復愁一見能消十日惡風塵
頃洞當年同絕世紅顏摧朔漠王郎感涕
全盛時六代繁華猶似昨會須譜出清平
詞沈香亭畔拋絃索

贈小鳳

楚水繁霜挽去舟梁家小鳳紫袞稠玉釵
自掛臣冠笑金縷還銷祖帳愁香舄夜紛
春滿座雲鬟朝沐錦纏頭最憐城北徐郎
美更取鵲絃撥指柔

小宛爲冒巢民賦

屢響輕風送過廊爲看白石坐溪光花沾
夕露連心靜玉

抱秋橙具體香女伴懶要雙陸劇硯山頻做十三行閉門
夫婿兼師友深翠堂中仔細商

宋

琬

玉叔荔裳萊陽人

荔裳先生負海內文章重名遭逢坎壈情詞哀豔曼
聲引滿如新箏乍調客懷絮亂不數齊梁子夜諸歌
矣曲

贈陸君暘

陸善三絃子坐客賦詩
便能歌之真絕技也

花落樽前喚奈何忽聞燈下唱韓娥月明彈出關山月卻
恨秦箏鴈柱多

朔風吹雪夜漫漫變徵高歌易水寒醉客滿堂齊下淚分

明畫山白衣冠

爲方爾止題姬人抱鴛圖

圖畫詩篇總斷腸
人間那得返魂香
報仇才証西方果
來世應爲聶隱娘

憶亡姬

一彈別鶴閉金徽
江燕思家兩度歸
爲聽西陵砧杵急
朝來猶自問寒衣

曾隨畫舫弔貞孃
一陣西風謝海棠
欲葬花鈿無處哭
落花殘夢繞錢塘

香魂暫泊給孤園寒食無人薦白繁揚子濤聲家萬里櫻
桃花落又黃昏

曉窗猶記畫雙蛾一曲傷心子夜歌鐘梵聽來歸淨土那
知人世有修羅

荔裳悼亡詩序云鏡裏雙鸞忽散獨賓之影雲端三
鳥俄催閨苑之旌又云杳杳蘅蕪嗟胡香之不驗珊
珊佩玉恨齊客之無徵宜其撫錦
瑟而歔歔對金鈿而霑臆者矣

嚴

沈子餐灝亭
餘杭人

戴經碧喪妾

蕙帳煙銷委穀衣彩鸞一去不知歸愁窺落月湘簾暗只

有梁閒玉燕飛

顧開雍

偉南華亭人

柳生歌

揚之泰州柳生名遇春號敬亭本曹姓年十五
犯法亡命盱眙苦饑乃挾稗官一冊爲人說書
遂傾盱眙市已而渡江攀柳枝曰我自此姓柳
矣世因號柳生所至輒傾諸豪是時南中士大
夫避寇卜居者多暱柳生與之遊而柳生故與
宣南侯左良玉善在軍中多所全活會相國馬

士英司馬阮大鍼用事齟齬左則左乃命柳生
往請罷兵相國不報師遂東柳生還吳中酒酣
時時向人說寧南事聞者皆涕下而柳生從說
書益奇庚寅七月僕始相見淮浦爲僕發故宋
小史宋江軼記一則縱橫撼動聲搖屋瓦俯仰
離合皆出已意使聽者悲泣喜笑世稱柳生不
虛云

廣陵柳生能好奇千年野史口說之濮陽游俠走天下上
坐手弄王公卮十五亡入盱眙市渡江直上長千里長千

不乏使酒人白銀蠟炬矚綸紫諧談一笑哄滿堂長風天
末涼如水是時江左稱太平楚豫已見荏苒兵柳生獨言
報讐亡命事聽者咸能感動心怛怛問汝何師此工巧雲
間少年有莫生此術自是儒者授悲歡離合搜經營憶昔
南郡擁旌節山頭廷尉橫江截執政何人馬貴陽公子扶
蘇禁門血桓家兒郎五湖長石頭城下桅檣列柳生游說
歸中朝司馬西上追驃姚欲烹食其侈得意柳生夜逝還
漁樵逢人劇說故侯事涕泗交頤聲墮地落日青山泣鷗
鷗掩袂向君君筆記僕亦江南樂毅古雅人黃河岸旁理

憔悴臆君前席徵羽聲猶見公孫瀏漓舞劒器酒罷巾車
各自馳鴉啼南浦吹秋絲興亡日月手板出吁嗟柳生真
好奇

顧工部見山與傳奇柳老云上下千年事飛騰六尺
身中原無劇孟投老見斯人又云任俠侈雄辯粗豪
擅解紛蕭條攀大樹空憶故將軍

曹爾堪
子顧顧菴
嘉善人

贈映然子

閨中才子望如仙曾記珠宮下降年漢苑針神西蜀錦衛
家筆陣剡溪箋詩文月旦歸彤管山水風光入畫船自挽

鹿車偕隱後同心常結鵲橋邊

按映然子即王玉映端淑季重先生之女適貢士丁聖肇偕隱青藤書屋少時夢隨羽客陟廣寒園曰青燕因作青燕園記而係以詩曰鵬如冲舉返黃冠引入青燕日廣寒丹草芄芄新月映雙鬟隊隊白雲攢幽游一晌歸春杳謫落三句解俗難敗葉聲敲清夢遠荒雞啼徹曉鐘殘又夢坐宋安如畫舫遂有玉真閣二絕句自號映然子工詩善楷書選詩緯文緯行世越中毛姓有贈女士云當年曾說秦嘉婦此日方知伯玉妻詞賦舊傳遐海上樓臺近向小橋西書榮蕙帶雙縑薄釵壓桃花兩髻低昨夜天孫聞有約隔河先聽汝南鷄亦爲映然子作也

周茂源

宿來釜山華亭人

聽教坊人理舊曲

釵橫金鳳髻堆鴉供奉西宮老歲華爲問望陵何處所秋
風惆悵六萌車

本事詩後集卷八終